

vnd mittag thün/so es aber nach mittag wer/so thü es in 8
quart zwischen mittag vnd dem nydergang/ darnach so
streck die vordern regel auff dem Retehrad vber den waren
Sonnen grad auß/so weyß dir dann die regel heraussen auff
dem limbo die rechten gleichen gemeinen teutschen stund.

Wie man die gleichen stund bey

nacht vinden soll.

Das Acht Capitel.

Soch die höhe eines sterns/der inn deinem Rete
begriffen sey auff dem rucken des Astrolabiums
wie das fünfft Capittel lernet / welche gefundne
höhe du auch inn den Almicantharath vornen
auff der landrassel zelen solt/ In diser quart inn
wellicher du vorhin des sterns höhe gefunden hast/vnd wo
du dann die zal der höhe des sterns vindest in den Almican
tharat/so ruck das rete vmb/solang biß das recht pünct
lein des sterns/welches höhe du gesucht hast/eben vnder dem
Almicantharath an dasselbe ort valle/vnd also soll das
Rete nit verruckt werden/Alsdann ruck aber die regel auf
den warn grad der Sonnen desselben tags auff inn Rete/so
sichstu bald heraussen auff dem limbo die gleichen stund vn
der der regel liegen.

Zu wissen welche zeit die Sonne

auffgee oder nyder gee.

Das Neund Capitel.

Sreck den grad der Sonnen desselben tags inn re
te/vnd ruck dan das rete vmb/solang biß der
selb grad der Sonnen auff dem ersten Almican
tharath/das ist auff dem krumen horizon stehe/
im orient oder auffgang/darnach so ruck die re

H x mediu motu ☉
Aufgang der
Sonnen
vnd
Nidergang.
In
vntern